



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Q. 10. Quomodo Sacerdotes se præparare debent ad celebrandum?

urn:nbn:de:hbz:466:1-40834

» contingere, quod ille non conficit, qui cele-
 » brat principaliter, & ille conficiet qui secun-
 » dario celebravit: & sic pia celebrantis intentio,
 » vel devotio frustrabitur. Sane dici & responderi
 » probabiliter potest, quod si prius siue poste-
 » rius proferant Sacerdotes, referri debet eorum
 » intentio ad instans prolationis Episcopi cui
 » concelebrant.

S.Th. in 4
 sent. dist.
 13. art. 2.
 in respons.
 ad 2. q.

» Idem affirmat Divus Thomas: *Dicendum,*
 » inquit, *quod sicut Innocentius dicit, omnes*
 » celebrantes debent intentionem referre ad illud
 » instans in quo Episcopus verba profert. Et sic
 » Episcopi intentio non defraudatur, nec aliquis
 » ibi facit quod factum est.

*Quest. 10. Quomodo se preparare debent
 Sacerdotes ad sacrum Missæ Sacrificium cele-
 brandum?*

*Resp. Sancti Patres id nobis luculenter in-
 nuunt, & exemplo suo nos docuerunt. Et primò,*
 S. Chrysoftomus. *Quantam verò, inquit, ab*
eo integritatem exigemus? quantam religio-
nem? Considera enim quales manus hæc ad-
 » ministrantis esse oporteat; qualem linguam
 » quæ verba illa effundat; qua deinde re non pu-
 » riorum sanctiorumve esse conveniat animam,
 » quæ tantum illum tamque dignum Spiritum
 » receperit? Per id tempus & Angeli Sacerdoti
 » adstant, & cælestium potestatum universus
 » ordo clamores excitat; & locus Altaris vici-
 » nus, in illius honorem qui immolatur, Ange-
 » lorum choris plenus est: id quod credere
 » abunde licet, vel ex tanto illo Sacrificio, quod
 » tunc peragitur.

Petrus Ble-
 sensis. *De Vi-*
ta & moribus
Clericorum,
 & Epistola
 ad Richard

» Et Petrus B'ensensis ait: *Verbum Propheta*
 » *est, mundamini qui fertis vasa Domini. Quan-*
 » *tò mundiores esse oportet, qui in manibus, &*
 » *in corpore portant Christum, quibus Apostolus*
 » *dicit: Empti estis pretio magno, glorificate*

De Sacrificio Missæ. Cap. II. 237

& portate Christum in corpore vestro. Sacer-
dotem hoc sentire oportet, quod & in Christo
Jesu, non solum, ut se per humilitatem exi-
nariat, sed ut crucifixionem Domini repre-
sentans stigmata ejus portet in corpore suo, &
in ore cordis seipsum Domino crucifigat. Ver-
bum Salomonis est, Sedisti ad mensam divi-
tis, scito quia eadem te præparare oportet.
Nam & in Levitico Sacerdos pellem Hostiæ
retinet, quia ordo Sacerdotalis expostulat, ut
dum in mensa Altaris Hostiam immolat salu-
tarem, quædam contritionis Cruce, Hostia se
conformet. Humanè explicare non potest,
cum quanta reverentia suscipi debet Corpus
Christi.

Tandem S. Dionysius convictus de sanctitate
necessaria ad illud divinum Sacrificium offe-
rendum ait: Eos qui ad Sacramenta cælestia
conficienda accedunt, eâ oportet esse mundi-
tiâ, ut ipsas quoque animæ extremas imagi-
nes purgatas habeant: ideo his demùm tam
angusta patere Mysteria, qui ad divini, ac
Deifici habitus immobilitatem vimque actuo-
sam pervenere, qui soli Deo unicè adhæreant,
quique omninò irreprehensibiles sint atque im-
maculati.

Sancti Patres passim de his præparationibus
disertè, & fortiter loquuntur; & valdè deffen-
da est crassa aliquorum Sacerdotum negligenti-
a, qui nullo modo se ad tantum Sacrificium
celebrandum dignè disponere student. Curis
secularibus indifferenter inserviunt, ait sanctus
Cardinalis Petrus Damiani, ab otiosis se ser-
monis ineptiis non compefcunt: imò per lites,
& jurgia frequenter à proximorum suorum
charitate resiliunt; & cum livoris vel cujus-
libet terrena concupiscentia flammæ in suis
pectoribus fervere non nesciunt, venerandis

Episcopum.]

123.

cc S. Dionys.

Eccl. Hie.

cc rarch, c. 3.

cc

cc

cc

cc

cc

cc

S. Cardinalis

Petr. Damiani.

ni. Opusc. 6.

Contra istit.

& ignavi. Cle-

ric. cap. 13

tamen Altaribus impudenter ingerunt, & ab offerendi Sacro-sancti libaminis Ministerio non recedunt.

S. Bonav. „ Proba te ipsum, ait Divus Bonaventura, ex
lib. De Pra- „ quanta charitate, & quali fervore accedis:
parat. ad „ non solum enim mortalia vitanda sunt, sed
Missam. c. 5. „ etiam venialia peccata per negligentiam, &
„ otium multiplicata, & etiam per inconfidera-
„ tionem ac per distractionem dissolutæ vitæ &
„ malæ consuetudinis, licet non occidant ani-
„ mam, tamen reddunt hominem tepidum, gra-
„ vem, & obnubilatum, & indispositum, &
„ ineptum ad celebrandum.

D. Bernard.
De Mod. bene
vivendi. Serm.
31.

Sed in primis Sacerdotes ante celebrationem scrutari convenit, utrum vitam sancto statui conformem ducant? utrum à vitiis & desideriiis sæcularibus abhorreant? utrum castitatem studiosè illæsam servent? utrum in Ecclesia Dei, juxta talentum à Deo sibi creditum, fideliter operentur; ut enim ait Divus Bernardus: *Regnum Dei non dabitur otiosis, sed in servitio Dei studiosis.* Quod si illorum conscientia illis non remordet, oportet ut per actus humilitatis & Sacrificii interioris seiplos ad celebrandum sanctum Missæ Sacrificium disponant, quasi victimæ.

Quæst. II. Quanam consideratio videtur efficacior ad excitandum Sacerdotis devotionem, dum ad Missam celebrandam accedit?

Resp. Debet principaliter attentè considerare dignitatem Mysterii quod ministerio suo confici debet; *Et quia*, ut ait Divus Antoninus, *meditatio Passionis Christi multum est inductiva devotionis super alia*: Unde Bernardus, *Super omnia te mihi reddit amabilem, ô bone Jesu! Calix quem bibisti, opus redemptionis nostræ, hoc & devotionem nostram faciliùs allicit, dulciùs urit, & fortiùs stringit.*

S. Ant. 3. „
p. tit. 13. 5. „
38. „